

KERATAN AKHBAR

(Bahagian Canselori)

Surat khabar: Utusan Borneo (Berita Iban)

Hari/Tarikh: 6/3/2016

Muka surat: 9

Tajuk : Raban orang ke gawa ngintu pengerai patut nemu mayuh bengkah jaku: Dr Jerip

Raban orang ke gawa ngintu pengerai patut nemu mayuh bengkah jaku: Dr Jerip

KOTA SAMARAHAN: Raban profesional ke gawa ngintu pengerai mensia mayuh patut nemu bejaku ba mayuh bengkah jaku, ku Menteri Muda Pengerai Mensia Mayuh Datuk Dr Jerip Susil.

Bejaku rambau bejadi 'The 7th UNIMAS Nursing Students Conference 2016' ke diatur Fakulti Berubat enggau Sains Pengerai kemari, iya madah pekara nya beguna amat ketegal nengeri tu diuan mayuh pupu raban bansa.

'Peranak Sarawak ke lebih agi raban orang ke gawa ng-

intu pengerai mensia mayuh patut nemu bejaku enda kurang ari empat bahasa ngambi tau ngemudah begulai enggau orang.

"Sida patut nemu bejaku Bahasa Malaysia, English enggau Mandarin kelimpah ari jaku diri. Penau ba pekara tu meri pengelelebih ngagai sida ngintu orang sakit," ku iya seraya madahka Jaku Iban engka patut ditemu semua.

Ba licha ke digulu urung 560 iku pelajar UNIMAS nyengkaum pengari ari Semenanjung Malaysia, Brunei

enggau Singapore nya, Dr Jerip mega ngarap raban pelajar kus 'Nursing' nya ukai semina laku ba Malaysia aja tang mega laku di menua luar.

Ku iya sida patut enda napi sebarang penanggul diterima gawa ba menua Singapore, Australia, Arab Saudi enggau New Zealand.

Dulu agi ari nya, Mandal Canselor UNIMAS Prof Dato' Dr Mohamad Kadim Suaidi netap, servis ngintu pengerai ke bekualiti ulih dijapai enti raban peng-

intu pengerai sedia bejalaika tanggung pengawa enggau manah.

"Enti kitai bisi pekara tu, servis ke diberi tentu ngembuan kualiti tinggi," ku iya nengah teks jaku ke dibacha Sapit Mandal Canselor Prof Mohd Fadzil Abd Rahman.

Ba pengerami nya kemari, Dr Jerip bisi ngagih RM20,000 ungup Gerempung Alumni Perubatan dan Kejururawatan UNIMAS ke diterima Dekan Fakulti Berubat enggau Sains Pengerai Prof Dr Ahmad Hata Rasit.

Disediakan oleh: Olivia Ajan

Bahagian Perancangan Dan Komunikasi Korporat